請考生於右方空格填	寫
准考證號碼最後四位	數

教育部 閩南語語言能力認證 C 卷 口語測驗

<作答說明>

- 1. 測驗時間:以音檔播放時間為準,30分鐘以內。
- 2. 題型配分:第一部分「文章朗讀」共2題,包含朗讀及評論,每題25分;第二部分「口語表達」共2題,每題20分。總計90分。
- 3. 作答方式:題目以音檔播放,各題準備和回答的時間不同,請依照音檔播放 的指示作答。

<注意事項>

- 1. 考試開始前請勿翻閱本試卷,違者其作答不予計分。
- 2. 應考人除准考證、身分證件外,非考試必需用品,須放置於試場前後方或指 定位置,不得攜帶入座。
- 3. 作答前,應依監試人員之指示,檢查試題卷是否齊全、所印准考證號碼是否 正確、完整,上述資料如有錯誤、污損、漏印或缺頁,應立即舉手請監試人 員處理,以免影響作答權益。

※播放說明語時請勿翻頁,等候指示再翻頁作答※

第一部份 文章朗讀

【文章朗讀第1篇】

※準備的時間 30 秒, 朗讀的時間 1 分 30 秒, 閣賭 20 秒的時會「tng」2 聲提醒。

最近新聞不時咧報導校園霸凌(lîng)的事件,所以幫助囡仔避免成做受霸凌的對象就非常重要。平常時仔愛教囡仔毋通去較會發生霸凌的所在;欲創啥盡量佮人鬥陣,莫單獨行動;身軀頂莫紮(tsah)貴重的物件抑是囥足濟錢。若不幸變成霸凌的目標,愛教囡仔知影:第一、保持冷靜:予人唱聲抑是受著威脅的時,若表現出緊張、受氣,顛倒會予對方閣較興(hìng)。第二、態度堅定:對無理的要求愛隨拒絕,揣機會離開現場。第三、揣人協助:代誌發生了後,愛緊共爸母、老師抑是朋友講,防止仝款的代誌閣再發生。

參考答案: 🕗

【評論第1條】

※準備的時間 1 分鐘,評論的時間 2 分鐘,閣賭 20 秒的時會「tnq 12 聲提醒。

評論:請問你敢有同意這篇文章的看法?你敢猶閣有其他的方法來避免霸凌? 參考答案: ②

我認為這篇文章真有道理,尤其是保持冷靜非常重要。除了教囡仔避免予人霸凌,老師嘛愛較注意班級的生態,較幼秀的查埔、較袂曉佮人鬥陣的囡仔、較恬靜的學生,攏有可能是較會予人霸凌的對象,老師會使針對遮的學生特別共個提醒、予個信心,除了共個講這篇文章有寫著的方法以外,愛予個知影老師會待仔個這爿,若不幸發生代誌一定愛共老師、家長講。若是保護的系統有夠健全,學生囡仔就會較勇敢,想欲共人欺負的學生嘛毋敢遐狡怪。閣再來,學校的教學,嘛愛有相關的課程。咱愛自細漢就教囡仔,欺負別人毋是勇敢的表現,幫助比咱較無氣力的人,才是有能力的行為。總講一句,咱一方面愛保護受霸凌的囡仔。另外一方面,嘛愛用教育的手段,來防止霸凌事件的發生。

[第2題略]

第二部份 口語表達

<u>※每一條準備的時間1分鐘,講的時間2分鐘,閣購20秒的時會「tng」2聲</u> 提醒。

【第1條】臺灣的風景非常美麗,真適合發展觀光事業,請問你認為應該愛用 啥物方法來發展?

參考答案: 📞

臺灣是一个地形倍生態攏真多元的所在,一粒仔团爾爾就有真濟真罕得看著的風景。我有三个方法會使發展觀光,第一是展現在地文化,在地文化是咱天然的資產,嘛是別位看袂著的,若好好矣運用,倍特有的環境連結,予人知影蹛佇這个所在的人是按怎生活,有啥物俗個無全款的食食、工作俗風俗。第二是各縣市的合作,規畫東、西、南、北四个觀光區,安排無全的迫退路線,予想欲來耍的人做見本。第三國際宣傳,愛拍一寡宣傳影片,佇網路放送,予全世界攏會使看著咱臺灣特別的人文俗風景,吸引個來臺灣迫退。這三个方法毋管是對國內抑是國外的人攏真合用,嘛會予閣較濟人看著臺灣的媠。

[第2題略] **※試題結束※**